

應山縣志

首卷

序 凡例

姓氏 目錄 繪圖

260.73
38
1-16

3493

應山縣志序

歲辛未余權守安州而應山縣志重脩告成其
邑司訓任君來見以序請不獲辭乃為之言曰
邑志之重古詳之矣蓋上之人所據以為治而
下之人所做以受治者也烏可一日無哉故凡
郡邑之志乘其有歷歲月之久遠與兵火之凋

應山縣志

卷首

序

一

殘致於廢缺散佚則有志之士閔焉而不惜其
力而為其爬之羅之補之掇之必至於燦然成
書而後快今茲邑之志自康熙四年著錄以來
迄今且二百載其為歲月也久矣重以髮捻之
擾無遺黎焉其為凋殘也甚矣大亂甫定百廢
未舉而諸君子獨知以是為急前後賡續以要



其成披而讀之蓋凡邑志之所宜有者舉皆備
焉誠可謂立志之篤而用力之勤也應於是為
有賴矣夫應大邑也三關之險今不異於古而
何以寇履之如平地也大小宋白龍翁之文學
風節科第昭昭史冊今獨無以作興而繼續之
乎楊忠烈之大節雖山陬海澨婦人孺子談之

應山縣志

卷首

序

二

無不流涕則莅其鄉邦而為其後進者宜何如
乎是在官斯土與生斯土者交勉焉雖然此固
用力於是者之志也而何以予之曉曉為哉

同治十一年陬月鹽運使銜升用道知德安府
事閩南陳建侯序



應山縣志序

聖天子政治昌明憲章釐定勳則書於虎觀俗則問於輶軒一時聲教所訖土物所宜莫不珥筆彬彬蔚稱盛事典至隆也法至備也余躬逢其盛未能廁身史館一睹

國家徵文考獻之嘉謨至今猶有遺憾焉已

應山縣志

卷首

序

已歲忝莅斯土甫下車一切興除沿革俱茫然爰索邑志一閱僉應曰志之散佚殆二百年前此劉朱兩明府創修未就都人士甚歎於茲焉慨自鄂疆迭遭兵燹方隅故實淪亡余蓋撫杜少陵詩書牆壁者舊家殘之句而愈增惘然也且夫邑志存亡

所關匪淺而竟聽其散廢以終焉亦守斯
土者之恥也昔揚子雲為郎官必咨鄉語
朱紫陽典南康首重郡志良以天時地利
人事俱麗志以傳俾生斯土者是則是倣
官斯土者不愆不忘也余每於公暇想古
人之遺用與都人士相商網羅舊失補綴

應山縣志

卷首

序

新聞因革損益有關政教者必書忠孝節
廉有係風化者必錄凡夫星辰之躔次人
材之盛衰山川道塗之險易賦役兵刑之
消長莫不燦然具舉秩然不紊雖不敢信
其無遺無濫而搜括已遍體例已全志至
是亦足徵矣是皆諸君子樂善不倦之力

余幸得相與以有成也他日宣諸史館以備採擇用昭

聖朝

覃心郵治加意職方之休則修志一舉豈特一邑之光哉即以當采風報政也可

同治九年冬月長至日知應山縣事庚午

科湖北鄉試同考官星沙鎮廷氏周道源

應山縣志

卷首

序

三

識於永陽官廨



應山縣志序

縣邑之志所以紀載山川人物以俾官於土者之
舉行其善政與生於土者之感發其善心也善政自乃
功令而各因之地之所宜則舉行為最當善心亦自具
天良而為耳目邑之譽乃是人則感發為究切得百里
之地而君之生閭境土因民所賴以生長村巷民所賴
以保聚雨暘水旱何以先時而為之備形勢險要何以
先事而為之防皆宜默運精神不下堂階而坐照於几

應山縣志

卷首

序

四

席之上然而非志莫由至於鄉舉至選之法今日既專
用文藝取士否則例仕一途生有敦崇實行應古人孝
友睦嫻任恤六行之書此當生時未嘗不傳而歷時既
久漸就湮沒使人莫知為善之利夫十室之邑必以忠
信五步之內必有芳艸語云細行受細名大行受大名
專情口碑傳誦所以沒世不忘則亦安得人人盡如伯
夷柳下惠叔文一藝之長無不庸一行之善無不錄實
藉社稷光榮以為激發人心之具而天下之好名者遂

善不克歸於善為之斯之則亦漸即於善凡今風俗之
衰皆由邑未不修故也石山之石前志實成於康熙十
二年於今百九十七年矣溯自康熙十二年以前其舊
序所載則康熙四年一修又溯而上之則前明正德年
間一修若歷年間一修前之修比之勤而後之修比之
希而濶乎得毋以邑苦貧瘠艱於費而不能集事乎
抑名實淆亂繁且競紛採月旦比憚於下等遂因而坐
廢乎何生成之難也然而百九十七年生士之登科甲

應山縣志

卷首

序

五

其幾何出而仕官成功業比幾何之默而自修名不出
於鄉里當時亦未嘗不稱而今且莫能追其姓氏比又
復幾何至於深閭幽質柏榛松貞耐冬風霜莫與顯
又復幾何之默行之士原匪取名而秉彝之良人心因
具乃以因循坐廢之故遂使其芳言懿行鬱而不彰太
史公作史記自序曰是余之罪也文是余之罪也文今
潛流幽光莫與莫覃不亦後起比之責乎同治七年
予來石山邑人士蓋久有此志於前任劉君時已書簿

創指平地一簣不任下車遂合辭以請緣為究其沿革作得漢縣考一篇商之同人僉以為是而他部未之及後却事去今歲七月又以代理簾缺赴任邑人士重理前說而進士吳純德觀察已東集志稿成冊予披而讀之其叙次山川原委得勝臆列闕卡憂尔思遠稱述行誼亦質且其文惟於選舉一門不先科甲仕官一門於分內外與鄙見稍異齟齬欲待歸共商訂而久滯者恒莫由面質多士又方屆秋試迨至榜後開局

器中而忽及衣代不易速成僅修定天文地理兩門并於省志中蒐得文數篇奉以貽之多士蓋予之所重也在於山水以為民生衣食之源當先事而為之備也至於餘則前志具存如南北二壇之舊教治南治北後祀東西今已議改正擇地而猶未舉行及

文廟兩廡先賢先儒位置先農壇之地皆禮樂之事所謂以俟君子也尚待本任周君及邑士踵成前美諒無不心誠補報聿觀厥成而以予之謏陋無文且草創未

就何敢言序奈此君必歆玷予一言夫子於應山其緣
淺而情深也久矣先是 胡文忠公改定漕卒之歲予
實奉檄于役於予又以引

見入於兩出此道見所謂平靖閩地乃屹然雄障也因思

文忠公常用兵時刻以三閩為念洵屬密靈遠猷
及前歲權篆穩心吉陽乃大洪楊忠烈公故里也居官
來君子之鄉得瞻其遺像如卒如之繼又見韓孝子
葉孝子里乃公嘗兵燹後邑屋猥能完好如故此非

應山縣志

卷首


序

七

默堡若國練捍衛之功乃忠孝之澤庇之也邑人士勉
乎哉邑於分野為張宿 梓潼帝君於詩為張仲孝友
實為天上張星應山當宋仁宗初四十年中有四狀元
得非天上張星之所降靈而集曜也乎今雖不如古而
近科以來捷南宮入詞館蒸日土今科社貴又出予
怪之門素此中文運幸開而予亦與有緣歟多士勉
乎哉勉為文學科第若二宗勉為忠孝名臣若李若楊
若洪勉為清修高潔若連勉為孝友若葉若韓

俾往來是邑坊喧嘖之稱羨曰此甘邦固代庶名人非
 可以下是比也予雖善善政及民而習聞此邦之
 善不亦與及榮施也乎是為序
 同治九年歲在庚午九月十九日

權知應山縣事涇上朱榮實謹序



應山縣志

卷首

序

八



續修邑志序

應志不續者二百年兵燹後文遭秦火
獻等周黎徵什一於千百不可得於按
灰燼未成之編鋒鏑餘生之口彙殘
成帙其不為缺畧為訛謬者幾何然
事乃重閩邑志不能不撮其要者一則

應山縣志

卷首

序

九

善政不可忘應邑地瘠民貧賦役歷
蒙優恤若張侯子約之均田周侯子
之設櫃楊洪二先輩之邀免籽粒諱草
互書法已往善政也近若胡文忠公
改於色聶侯陶參復官徵吳侯木參
守銀價宋侯秋園禁頂完又本任周侯

撤外樞免差返以目苛善政也至於驛
站民夫徑前任本任之清查革除殆盡
凡此措字深恩均當載為甘棠永垂不
朽者也雖歷代經制未悉源流而實惠之
身受者確矣一則武備不可廢應歷承
平日久民不知兵寇亂十餘年被戕擄者

十餘萬廬舍印墟資財皆傷盡自固練起
而城可守寨堡起而鄉可守野雉山城備
嘗辛苦綢繆未而紀載宜詳也一則懿
行不可沒忠孝節烈民極也應邑累代
芳型舊蒙旌表髮檢之亂節節允多
迄今不採則坊表已經剝落漸即荒煙

芳徽未及闡揚、水沈幽谷雖撈索不
免遺珠而聞見所周管城子不能辭
其責也若文學官書院賓興試卷等
費尊崇聖道嘉惠士林如舊置膏腴
亂後俸多乾沒新稅沃壤歷年亦以侵
漁滄桑至定楮墨乃靈則文教中之

義捐必不可失也是四者治之大而
今日當務之急也舉其大者以綱之在賦
役所重切土田民賦不掩槩梓之窮武
備在所重切道里山川不及風景之錄
他如人物必先忠孝雜記不錄神奇竒
文祇風化之作而不取他類則重在懿

行也。頒行祀典而外，庵觀禪院費巨資者不載，則重在久教也。所重在此，則所廢在彼，生不宜廢而廢者，古制不能。採取今書，述之，以聞不能悉，即目見存之，參所出，罪所疑，缺略待補。讹謬待正，祇留此採訪之所，以爲續。

修者助此，則草錄之意也。玄若繩以等墨，則不敢。

同治十年正月，上元日，邑人吳天錫序。

舊志序

夫應山之有志舊矣而奚事於重修爲邱賦而修也夫
重修之志爲類者十有二而食貨僅居其一食貨之爲
目者四而邱賦僅居其一邱賦之載於志亦偏矣而
奚爲此也嗚呼此余意也稽之於古豳風咏農功而王
業之根本攸係禹貢敘田賦而平成之駿烈以基自周
而降若董仲舒之議限田紀於漢史而李翱之論平賦
則唐史述焉由是觀之三代而上邱賦之事見於經三
代而下邱賦之事見於史向使經史無徵則雖有良法

應山縣志

卷首

舊志序

十三

美意足以係王業而基平成者且泯泯於後世經不可
追矣然則志亦史體也而可少乎哉國家軫念民事田
定分賦定法酌古準今其制盡善宜無復慮矣但考輿
地圖應山爲楚之窮邑當南北阨塞之孔道昔經元末
之亂此蓋戰場也戎馬蹂踏化爲兵火之墟而無復畛
畦之跡及天戈平定然後流民歸農稍稍芟墾而賦法
草創其後加以貧富難易挾直而上下其手奸宄飛射
行賄而增減其籍以蔽田賦不均或田寡而賦倍或田
去而賦存迄於嘉靖隆慶間而六壞極矣民不堪其

累而逃亡日甚邑之東門外遠至汚萊塞於畝畝無
宿於舍廬極目荒墟之狀其不爲國初者幾何哉是宜
有志者之所動心也余少而學誦幽風之詩讀禹貢之
書按限田之說覽平賦之篇知田賦之爲重上關國本
下關民命慨然有意於當世久矣逮壯而出每與時遠
嗣居諫垣而不識忌諱幸蒙

聖明之寬典使得待罪應山感恩省咎愧無以報也履任問
階得民之所最苦者惟田賦不均爲最遂上請監司約
法誓眾以丈田清賦爲己任拮据鞅掌甫數月而事竣

應山縣志

卷首

舊志序

十四

賦與田稱逃亡者漸復其處又苦徵斂雜出乃倣古免
役之遺意量定庸錢合田賦而三限輸焉雖婦人孺子
亦可執單而算納愚弱之民頗便之噫由一方以推四
海其田賦爲崇者何限而余區區茲邑安能大有補於
當世聊以據夙昔之所懷竭孤臣之一念耳應山士大
夫共捐貲刻清賦紀以傳其事非不詳蓋然猶家乘非邑
史也余懼其傳之弗永致後泯泯焉於是屬筆於夢郊
劉君佐以鳴字龍君取舊志而一新之類分目列而獨
詳於食貨尤詳於邱賦前乎此曰天文曰地理曰人事